

Na osnovu člana 16. stav 4 Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 07/10 i 3/23), a u vezi sa članom 52. stav (4) Zakona o izvršavanju Budžeta Zeničko-dobojskog kantona za 2025. godinu, („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za privredu/gospodarstvo, Vlada Zeničko-dobojskog kantona, na 119. sjednici, održanoj 27.02.2026. godine, d o n o s i

ZAKLJUČAK

o usvajanju Izvještaja o realizaciji Programa utroška budžetskih sredstava – Subvencije privatnim poduzećima i poduzetnicima – ESCROW – Izvor 30, za period I-XII 2025. godine

I.

Usvaja se Izvještaj o realizaciji Programa utroška budžetskih sredstava – Subvencije privatnim poduzećima i poduzetnicima – ESCROW - Izvor 30, za period I-XII 2025. godine, koji čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/26

Datum, 27.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za privredu/gospodarstvo,

1x Ministarstvo financija,

1x a/a.



**IZVJEŠTAJ O REALIZACIJI PROGRAMA UTROŠKA BUDŽETSKIH SREDSTAVA
-SUBVENCije PRIVATNIM PODUZEĆIMA I PODUZETNICIMA –ESCROW-IZVOR 30
za period I – XII 2025. godine**

Zenica, veljača 2026. godine

**IZVJEŠTAJ O REALIZACIJI PROGRAMA UTROŠKA BUDŽETSKIH SREDSTAVA
-SUBVENCije PRIVATNIM PODUZEĆIMA I PODUZETNICIMA –ESCROW-IZVOR 30
za period I-XII 2025. godine**

Izrada Programa utroška budžetskih sredstava u 2025. godini Ministarstva za privredu/gospodarstvo - Subvencije privatnim poduzećima i poduzetnicima-ESCROW-Izvor 30, propisana je članovima 33. stav (1) i 52. stav (1) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24).

Članom 52. stav (4) Zakona o izvršavanju Budžeta Zeničko-dobojskog kantona za 2025. godinu propisano je da nadležni organ uprave polugodišnje izvještava Vladu Kantona o utrošenim sredstvima po programima utroška sredstava.

Prema Budžetu Zeničko-dobojskog kantona za 2025. godinu („Službene novine Zeničko-dobojskog kantona”, 25/24), predviđena su finansijska sredstva, ekonomski kod 614 500 – “Subvencije privatnim poduzećima i poduzetnicima-ESCROW- Izvor 30”, u ukupnom iznosu 800.000,00 KM.

U skladu sa navedenim, Ministarstvo za privredu/gospodarstvo je donijelo Program utroška budžetskih sredstava u 2025. godini (Subvencije privatnim poduzećima i poduzetnicima-ESCROW- Izvor 30) usvojen Odlukom Vlade Zeničko-dobojskog kantona broj: 02-11-11012/25 od 30.05.2025. godine. Predmetnim Programom planirana su sredstva u iznosu od 800.000,00 KM za subvencioniranje i unaprijeđenje razvoja obrta i tradicionalnih i starih zanata.

U proteklih nekoliko godina kod Razvojne banke Federacije Bosne i Hercegovine izvršeno je deponovanje sredstava sa ESCROW podračuna u sastavu Jedinственог računa trezora (JRT) Budžeta Zeničko-dobojskog kantona, prema programima utroška sredstava Ministarstva za privredu iz tih godina (2018., 2019. i 2020. godina), s tim da se 20% ostvarenih sredstava koristilo za sanaciju i osiguranje osnovnog kapitala u Fondu penzijskog/mirovinskog i invalidskog osiguranja. Sredstva deponovana kao namjenski depozit Vlade Kantona, korištena su u skladu sa pojedinačnim odlukama Vlade Kantona koje su Razvojnoj banci Federacije Bosne i Hercegovine uredno dostavljane. Prema informaciji dobijenoj od Ministarstva financija Zeničko-dobojskog kantona i akta Razvojne banke Federacije Bosne i Hercegovine „Izvod broj 2 na dan 01.02.2025. godine“, na kontu 5303110 – namjenski depozit Vlade Kantona – budžet evidentiran je saldo u iznosu 599.802,20 KM (za navedeni iznos depozitnih sredstava izvršena je već uplata 20% za sanaciju i osiguranje osnovnog kapitala u Fondu penzijskog/mirovinskog i invalidskog osiguranja a u skladu sa zakonom utvrđene obaveze sanacije i osiguranja osnovnog kapitala fonda). Navedeni iznos predstavlja dio iznosa od 800.000,00 KM planiranog Budžetom Zeničko-dobojskog kantona.

Imajući u vidu raspoloživa sredstva, te obaveze koje proizilaze iz Godišnjeg plana rada Ministarstva za privredu/gospodarstvo Zeničko-dobojskog kantona za 2025. godinu i Programa rada Vlade Zeničko-dobojskog kantona za 2025. godinu, Ministarstvo za privredu je planiralo utrošak ESCROW sredstava, na sljedeći način:

- Utrošak sredstava u iznosu od 599.802,20 (iznos na kontu 5303110 – namjenski depozit Vlade Kantona – budžet kod Razvojne banke Federacije BiH, za navedeni iznos depozitnih sredstava izvršena je već uplata 20% za sanaciju i osiguranje osnovnog kapitala u Fondu penzijskog i invalidskog osiguranja a u skladu sa zakonom utvrđene obaveze sanacije i osiguranja osnovnog kapitala fonda) razvoj poduzetništva i poduzetničke kulture starih i tradicionalnih zanata.

- Planirani iznos budžetskih sredstava (800.000,00 KM) umanjen za iznos salda namjenskog depozita kod Razvojne banke Federacije Bosne i Hercegovine (599.802,20 KM) iznosi 200.197,80 KM.

- Utrošak sredstava u iznosu od 166.158,24 (iznos planiranih budžetskih sredstava umanjen za iznos salda namjenskog depozita kod Razvojne banke Federacije Bosne i Hercegovine i 20% sredstava za

zakonom utvrđene obaveze sanacije i osiguranja kapitala Fonda Federalnog zavoda za penziono/mirovinsko osiguranje) planiran je za razvoj poduzetništva i poduzetničke kulture starih i tradicionalnih zanata.

- Iznos od 40.039,56 KM (20% od 200.197,80 KM) planiran je za zakonom utvrđene obaveze sanacije i osiguranja osnovnog kapitala fonda Federalnog zavoda za penziono/mirovinsko i invalidsko osiguranje.

Na osnovu člana 5. i 6. Zakona o Razvojnoj banci Federacije Bosne i Hercegovine („Službene novine Federacije BiH”, broj 37/08), člana 33. Stav 2. Zakona o privatizaciji poduzeća („Službene novine Federacije BiH”, broj: 27/97, 8/99, 32/00, 45/00, 54/00, 27/01, 61/01, 27/02, 33/02, 28/04, 44/04, 42/06 i 4/09), te točke II. Zaključka Vlade Zeničko-dobojskog kantona broj: 02-14-15200/17 od 02.11.2017. godine, Razvojna banka Federacije Bosne i Hercegovine i Vlada Zeničko-dobojskog kantona zaključili su Ugovor o namjenskom depozitu broj: 07-14-19795-9-1/14 od 21.12.2017. godine. Članom 3. stav 1. točka 1. Ugovora propisano je da „Sredstva depozita iz člana 2. Ugovora će se koristiti u skladu sa pojedinačnim odlukama Vlade Kantona, s tim da se 20% ostvarenih sredstava koristi za sanaciju i osiguranje osnovnog kapitala u Fondu penzijskog i invalidskog osiguranja, a ostali iznos sredstava depozita će se koristiti za: 1. Poticaje privredi na području Zeničko-dobojskog kantona u skladu sa programima utroška Ministarstva za privredu/gospodarstvo Zeničko-dobojskog kantona, a na koje suglasnost daje Vlada Zeničko-dobojskog kantona...” Slijedom navedenog, ESCROW sredstva (sredstva povrata rata kredita odobrenih iz sredstava ostvarenih prodajom poduzeća u procesu privatizacije) realiziraju se preko Razvojne banke Federacije Bosne i Hercegovine (deponirana kao namjenski depozit Vlade Kantona) u skladu sa pojedinačnim odlukama Vlade Kantona. Dinamika deponiranja sredstava sa ESCROW podračuna u sastavu Jedinog računa trezora (JRT) Budžeta Zeničko-dobojskog kantona kod Razvojne banke Federacije Bosne i Hercegovine i iznos od 20% ostvarenih sredstava za sanaciju i osiguranje osnovnog kapitala u Fondu penzijskog i invalidskog osiguranja, ovisit će od dinamike realizacije samih programa i njihovog odobravanja od strane Vlade Zeničko-dobojskog kantona. Po pripremi odluka za odobravanje i dodjelu sredstava po planiranim programima utvrdit će se i ukupan iznos sredstava koji će se prenijeti na poseban fond Razvojne Banke Federacije Bosne i Hercegovine kao i iznos 20% sredstava za sanaciju i osiguranje osnovnog kapitala u Fondu penzijskog/mirovinskog i invalidskog osiguranja.

U nastavku ovog Izvještaja dat je prikaz planiranog utroška sredstava po Programu utroška budžetskih sredstava „Subvencije privatnim poduzećima i poduzetnicima-ESCROW-Izvor 30” usvojen Odlukom Vlade Zeničko-dobojskog kantona broj: 02-11-11012/25 od 30.05.2025.godine:

Tabela 1: Alokacija sredstava po ovom Programu planirana je na sljedeći način:

R.br.	NAZIV PROGRAMA	Iznos sredstava /KM/
1.	RAZVOJ PODUZETNIŠTVA I PODUZETNIČKE KULTURE I TRADICIONALNIH ZANATA	759.960,44
2.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	40.039,56
UKUPNO:		800.000,00

Ministarstvo za privredu/gospodarstvo Zeničko-dobojskog je sukladno potrebama izradilo izmjenu Programa utroška budžetskih sredstava u 2025.godini (Subvencije privatnim poduzećima i poduzetnicima-ESCROW-Izvor 30), što je usvojeno Odlukom Vlade Zeničko-dobojskog kantona broj: 02-11-18368/25, od 10.10.2025.godine:

Tabela 2: Alokacija sredstava po izmjenjenom Programu planirana je na sljedeći način:

R.br.	NAZIV PROGRAMA	Iznos sredstava /KM/
1.	RAZVOJ PODUZETNIŠTVA I PODUZETNIČKE KULTURE I TRADICIONALNIH ZANATA	867.083,34
2.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	173.416,66
UKUPNO:		1.040.500,00

U skladu sa raspoloživim sredstvima objavljen je i proveden 1 (jedan) javni poziv i u periodu od I - XII 2025. godine, po navedenom Programu utrošena su sredstva u iznosu od 847.888,40 KM, kako slijedi :

Tabela 3: Alokacija sredstava odobrena i realizirana je na sljedeći način:

R.br.	NAZIV PROGRAMA	Iznos budžetskih sredstava /KM/	Realizirano	Index
1.	RAZVOJ PODUZETNIŠTVA I PODUZETNIČKE KULTURE I TRADICIONALNIH ZANATA	867.083,34	847.888,40	97,78
2.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	173.416,66	169.577,68	97,78
UKUPNO:		1.040.050,00	1.017.466,08	97,78

Posljednjim Izmjenama i dopunama Budžeta Zeničko-dobojskog kantona („Službene novine Zeničko-dobojskog kantona”, broj:23/25) na razdjelu 18–Ministarstvo za privredu, budžetska organizacija 01, potrošačka jedinica 0001, ekonomski kod 614500–Subvencije privatnim poduzećima i poduzetnicima -ESCROW -Izvor 30 - planirana su financijska sredstva u ukupnom iznosu 1.040.500,00 KM.

Realizacija po Programu utroška budžetskih sredstava u 2025. godini (Subvencije privatnim poduzećima i poduzetnicima – ESCROW - Izvor 30) je 1.017.466,08 KM i u okviru je konačnog planiranog iznosa u Budžetu.

MINISTAR

Samir Šibonjić